



Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De præparatione qua[m] concionator vniuersè generatimque adhibebit ad
concionandi munus salutariter exequendum.

urn:nbn:de:hbz:466:1-11399

tas habebit: vt nec materiam quæ ingenij sui viribus praefest, nec formam dicensi sumat, ad quam appositus nullo modo videatur.

Ad quam sanè rem multum adiumenti hoc afferit, si amicum, aut alium adhibebit, præsertim concionandi vñ peritū; qui semel, iterum, atq; adeo saepius publicè concionantem audiat: quique non ambitiosè corrigat, sed liberè, priuatim, remotisque arbitris moneat, si quid in aliqua pate erratum sit.

Ad imitandum etiam sibi cōstituet aliquem prædicandi laude florentem.

Quo in genere illud accuratè cauebit, vt ne (quod pleriq; faciunt) levia quædam, ac sepe etiam vñiosā imitetur; sed illa tantum, quæ sapientium iudicio præclarā atque egregia in ea potissimum cernuntur.

Verum enim uero sicut diligentissimè videre debet, quem è concionatoribus qui nunc sunt, aut certè superioribus temporibus extiterunt, ad imitationem deligat: ita maximè sibi veteres patres proponat, quorum in dicendo virtutes sequatur; Gregorij Magni, & Chrysostomi disciplinæ moralis copiam; Leonis Magni & Basilij grauitatem; Nazianzeni vim, Nysseni subtilitatem, Augustini acumen, Ambrosij temperatum dicendi genus, Bernardi dulcem, deuotamque orationem; atque omnino admirabilem & diuinam eloquentiam sanctissimi Pauli Apostoli: cui vñ omnia quæ summi sunt concionatoris, atque adeo oratoris, multis præclaris exemplis tribuant doctissimi patres, Augustinus, & Chrysostomus.

In concione autem quam habiturus est, illud sibi potissimum proponet, in quo omnes neruos roburque industriæ suæ adhibeat, & in quo munus suum versari cognoscat; vt auditorum scilicet animos commoueat: cum præsertim peccent homines, non tam quia verum ignorant, quam quòd male affecti sint.

Dabit igitur operam, vt quemadmodū per singula corporis membra sanguis diffunditur; ita in omnibus concionis suæ partibus quædam insint, quæ ad commouendum valeant.

Quare locos omnes optimè percipiet

sancatarum affectionum, quæ mox supra commemoratae sunt.

Postea vero quām ijs doctrinarum ornamenti Deo benè iuvante instrutus ad prædicationis functionem accesserit: hæc quæ sequuntur, omnino curabit, atque exequetur.

De præparatione quā concionator vniuersè generatimque adhibebit ad concionandi munus salutari- ter exequendum.

Quo studiofius, atque adeo reli- giosius concionator munera præstantissimi, quod sancte & suscipere, & gerere debet, partes exequatur; illius in primis dignitatem auctoritatēque attente cogitabit.

Qua in cogitatione hæc quatuor facile perspicet.

Primum scilicet ad Dei omnipotentis gloriam, ad animarumq; salutē referri omnem concionandi vim ac rationem. Deinde se, qui prædicationis munus agreditur, ministrum esse, per quem verbū Dei ab ipso diuini spiritus fonte ducitur ad fideliū alias diuinatus irrigandas. Post, res etiam sanctas diuineq; traditas a se tractari oportere.

Tum præterea id prædicationis munus quod capescet, non modò sanctissimis ac diuinis viris, prophetis, Apostolisque à Deo commissum, sed ab ipso etiam Dei filio Christo Domino præstitum esse. Verum quòd magis atque magis se ex- citet; videbit diligenter, quanta, & quā summa difficultas ei proponitur, qui in tanta, tamq; perpetua & mundi & Sathanæ oppugnatione fidelium animas ad viam Domini reuocare contendit.

Atque ijs quidem sempiternis aduersarijs cùm ad resistendum se imparem esse senserit; non modò illis virtutum armis, vt ostendimus, se communiet, sed assidua prece, & ieunio frequenti Dei auxilium implorabit, ad impetus hostiū adeo importunorum repellendos.

Cum autem bene appositeq; dicere, sit omnium iudicio vel maxime difficile; huius sanè rei difficultatem aliquando, ac potius frequenter meditabitur; vt ardentiori studio confugiat ad Deum, qui diuini lui spiritus afflatus omnia dicendi adiu-

Jacob. 5.

adūmenta subministrare potest.
Neque porrò viribus suis fidet; sed imbecillitatem suam rectè agnoscens, se sè coram Deo abjectet: cuius cœlesti benignitate ipse, quāmuis abiectus, & prædicationis munere indignus, adiuuetur.

Vtq; ad omnia sancta studia, quibus iuare possit, vehementius accendatur, secum sèpè reputabit, quām magnum præmium cōsequatur, qui ab errore viæ suæ peccantem abduxerit. [Qui enim conuerti fecerit peccatorem, inquit S. Iacobus, ab errore viæ suæ: saluabit animam eius à morte, & operiet multitudinem peccatorum.]

Hæc sèpè, pieq; meditatus, is qui cœlestis doctrina concionator futurus est, cùm viderit, quanta res sit, quām diuina tota concionandi ratio; tantæ rei quasi horrore quodam perfusus, ad eam suscipiendam se diuina in primis ope præparabit, atque muniet.

Hæc igitur supplex continenter petet. Vt diuino adiumento, propriæ laudis aut gloriose nō modò studio, sed ne opinione quidem efferratur; nullamq; illius rationem planè habeat.

Vt se vehementius in dies inflammet, cùm ad præclaram illam diuinæ gloriæ cupiditatem, tum ad singularem erga proximos charitatem concipiendam.

Ad quas res duas potissimum ipse omnes neruos intendet pietatis suæ.

Vt denique ope diuina, & rei cuius tractande munus suscepit, sanctitati; & personæ quam concionatoris sustinet, dignitati atq; officio respondere possit. Sibi verò quām maximam potest, vim in eo abhibebit, vt tota mente totoque animo defixus in cœlesti Christi Domini regno propagando, in procurandaque animarum salute, suorum & commodorum & utilitatum obliuiscatur omnino.

His igitur virtutibus, nempe sacris doctrinis, vitæ innocentia, morum sanctitate, & cœlestium rerum contemplationibus, is qui concionator futurus est exultus, idoneum se præbebit, vt ad prædicandum missus, populo valde proficit, tribus his quæ S. Bernardus commendat, verbo, exemplo, & oratione.

Fugiet autem tanquam pestem, omnē ambitionē, omnemq; illius suspicionē.

Nè loca insigniora, vbi prædicationis suæ semen spargat, ambiat, affectetve: memor Christi Domini, quem à patre è cœlo demissum ad erudiendum genus humanaum, pagos, & vicos, & castella obijisse legimus.

Nunquam in opinionem inducit, maiori atq; nobiliori suggesto se dignu esse. Fuit hæc quondam incredibilis ambitio ethnicorum oratorum.

Christianus autem concionator ab istius ambitionis suspicione alienus esse debet, qui ad prædicandum Christum crucifixum, non ad sui ingenij ostentationem vocatus est.

De præcipua vitæ ratione, quam scilicet speciatim concionator adhibebit,
vbi concionandi munus
suscepit.

QUOD sanè verò iam initio possum est, quodq; S. Augustinus scitè prescribit, in illud toto animotisq; viribus adiutrice diuina gratia, concionator cùm concionandi munus suscepit, incumbat, vt verbis perpetuè æqualem paremq; vitam agat.

Est porrò euangelica doctrina, verbiq; Dei prædicatio, ignis ille semper in altari exardescens: cui perpetua solicitude is subministrare debet ligna, nempe optima præclaraque vitæ suæ sanctissimæ exempla, officia, atq; opera virtutū, quibus corda fidelium accendat ad sanctè agendi studium.

De diuino illo viro Ioanne Baptista illud euangeli literis proditum est, quod [lucerna erat ardens, & lucens:] quippe cum cœlestem illam doctrinam quam docuit, virtutum sanctorum splendore perenni collustravit.

Quare perpetuam sanctissimæ vitæ consuetudinem seruabit.

In incepsu, statu, accubatione, deiectione vultus, oculorū demissione, capitis inclinatione, genuum inflexione, in omni deinde motu corporis tenebit grauitatē & decorum, à persona quam sustinet non alienum.

Erit in omni colloquio gravis, mansuetus, ac salutaris,

In habitu vestituq; religioso sacerdoti live modestus.